

prestakalli í Fljótshlíðarhreppi, fyrsta sýslunefndarmanni og hrepps- 84
nefndaroddvita sama hrepps. 14. okt.

Leita skal konunglegrar staðfestingar á stofnskrá þessari.

Þannig samþykkt á fundi Kvenfélags Fljótshlíðar, 12. dag
júlímánaðar 1929.

Guðríður Jónsdóttir
Hlíðarendakoti (gjaldkeri).

Anna Jóhannsdóttir
Torfastöðum.

Guðrún Pétursdóttir
Núpi.

REGLUGJÖRÐ

85
16. okt.

fyrir

rafveitu Búðakauptúns, Fáskrúðsfirði.

1. gr.

Rafveita Búðakauptúns er fyrirtæki, sem stofnað er til á kostn-
að hreppsins, í þeim tilgangi, að veita íbúum Búðakauptúns raforku
til heimilisnotkunar og annara þarfa, að svo miklu leyti sem afl stöðv-
arinnar nægir.

2. gr.

Yfirstjórn rafveitunnar er í höndum hreppsnefndarinnar. —
Framkvæmdastjórnin skal falin rafveitunefnd, er hreppsnefndin kýs
með hlutfallskosningu til þriggja ára í senn.

3. gr.

Rafveitunefnd skipa 3 menn, og kýs hún sér formann og fé-
hirðir. Hún sér um umbætur og allt, er að starfrækslu rafveitunnar
lýtur, sölu á raforku, fjárhald og reikningsskil.

4. gr.

Rafveitunefnd skal hafa nákvæmt eftirlit með rekstri stöðvar-
innar, sjá um, að ætíð sé fyrirliggjandi nægilegt efni til reksturs og
viðhalds á búnaði öllum. Skal hún halda glögga bók yfir tekjur og

85 gjöld rafveitunnar, svo og eignir og skuldir, og semja ársreikning 16. okt. fyrir 1. febrúar ár hvert og senda hreppsnefndinni.

Hreppsnefndin kýs tvo menn til að endurskoða reikninginn, og úrskurðar hann síðan.

5. gr.

Rafveitunefnd leggur fyrir hreppsnefndina tillögur um allar framkvæmdir, og eru þær háðar samþykki hreppsnefndar. Fasta starfsmenn rafveitunnar skipar hreppsnefndin og vikur þeim frá, hvorttveggja eftir tillögum rafveitunefndar, en rafveitunefnd setur þeim erindisbréf, er hreppsnefnd samþykkir.

6. gr.

Samkvæmt 5. gr. reglugerðar þessarar skipar hreppsnefndin stöðvarstjóra. Skal hann annast daglega starfrækslu rafstöðvarinnar, eftirlit, viðhald á vélum og taugum, og annast allar verklegar framkvæmdir, er rafveituna snerta. Skyldur skal hann að mæta á fundum rafveitunefndar og hreppsnefndar, ef þess er óskað, og hefur þar tillögurétt um mál, er varða rafveituna, en ekki atkvæðisrétt.

7. gr.

Stöðvarstjóri getur lokað fyrir strauminn, þegar um aðgerðir á útileiðslum eða eftirlit á vélum er að ræða, en velja skal hann til þess þann tíma, sem almenn notkun er minnst, enda sé reglulegum rekstri komið á eins fljótt og unnt er. Slíkar truflanir á rekstri stöðvarinnar skal auglýsa fyrirfram, ef auðið er, en þurfi skjótra aðgerða við, er stöðvarstjóra heimilt að loka fyrir strauminn fyrirvaralaust.

Hvorki stöðvun né truflun á rekstri rafstöðvarinnar hefir nein- ar skaðabótaskyldur á hendur rafveitunni í för með sér. Rafmagns- notendum þeim, er kaupa strauminn við föstu árgjaldi, ber ekki að greiða fyrir þann tíma er stöðin starfar ekki, sé það lengur en tveir sólarhringar í senn.

8. gr.

Rafveitan leggur húsálmur að húsvegg. Að öðru leyti kostar húseigandi algjörlega innlagningu raftauganna, þar með talið gegn- tak, stofnleiðsla og greinispjald með öllum tilheyrandi tækjum, að undanskildum mælum og hemlum, sem rafveitan leigir notendum. Um leiðslur á bryggjum gildir hið sama.

Húseigandi skal senda rafveitunefnd skriflega beiðni um sam- band við rafveituna, og taka fram, hve mikla orku hann býst við að

kaupa. Skal rafveitunefnd tilkynna umsækjanda úrskurð nefndar- 85
innar, eigi síðar en tveim vikum eftir að hún veitti beiðninni móttöku. 16. okt.

9. gr.

Innanhússlagnir, og breytingar og aðgerðir á þeim, skulu einungis og að öllu leyti framkvæmdar af mönnum, er hreppsnefndin löggildir til þess. Engir aðrir mega fást við slík störf, enda ber rafveitunefnd að neita að láta setja lagnir þær í samband við rafveituna, sem ekki eru framkvæmdar af löggiltum rafvirkja.

10. gr.

Þegar rafvirki hefur lokið við innanhúss eða utanhússlögn, skal hann tilkynna það stöðvarstjóra, er prófar og skoðar lögnina, og úrskurðar hvort hún sé gerð reglum samkvæmt og hæf til sambands við rafveituna. Skal rafvirki bera ábyrgð á lögninni í eitt ár, og bæta að fullu og endurgjaldslaust galla þá, er fram kunna að koma á því tímabili, og sýnt er að stafi af slæmu efni eða illum frágangi.

Rafvirki skal einnig tilkynna stöðvarstjóra allar meiri háttar breytingar og aðgerðir, er hann framkvæmir á eldri lögnum, og ber stöðvarstjóra að skoða þær og prófa, áður en settar eru aftur í samband.

11. gr.

Starfsmenn rafveitunnar og meðlimir rafveitunefndar skulu á öllum sanngjörnum tíma hafa frjálsan aðgang til þess að skoða innlagningar og tæki þau, er notuð eru, og séu gallar á, skulu þeir tafarlaust bættir á kostnað húseiganda eða rafvirkja, eftir því hvort ábyrgðartími rafvirkja er útrunninn.

Séu gallar ekki bættir, getur stöðvarstjóri rofið sambandið við húsið, þar til aðgerð hefur farið fram, og ber húseiganda enginn afsláttur af rafmagnsgjaldinu þess vegna, þótt hann kaupi strauminn við föstu árgjaldi.

12. gr.

Sérafmagn notað á annan hátt en um var samið, eða mælitæki raskað, skal notandi greiða þrefalt gjald eftir gjaldskránni fyrir straum þann, er eftir mati rafveitunefndar hefur verið notaður óleyfilega. Við endurtekning skal sambandið rofið við notanda, og ábyrgð komið fram á hendur honum.

13. gr.

Enginn má taka straum úr leiðslum rafveitunnar, nema leyfi

85 rafveitunefndar komi til, né aðhafast neitt það, er valdið getur 16. okt. skemmdum á leiðslum, tækjum eða öðrum mannvirkjum hennar.

14. gr.

Reksturstími stöðvarinnar er dag og nótt allt árið, að undanskildum tíma til aðgerða samkv. 7. gr., sem framkvæma skal að nóttu til, þegar unnt er.

15. gr.

Notendur skulu sjá um, að lagnir þeirra og tæki séu ætíð í góðu lagi, og skýra stöðvarstjóra, eða löggiltum rafvirkja, frá sérhverri bilun, er þeir verða varir við.

16. gr.

Löggiltir rafvirkjar skulu skyldir til þess, að tilkynna stöðvarstjóra sérhverja bilun eða galla, er þeir kunna að verða varir við á útileiðslum og innanhússlögnum. Sömuleiðis ber þeim tafarlaust að hlýða kalli sérhvers rafmagnsnotanda, er hann þarf aðgerða við.

17. gr.

Rafveitunefnd getur bannað notkun þeirra áhalda, er að hennar áliti eru ótrygg eða hætt við að verði til tálmunar góðum rekstri.

18. gr.

Þegar sérstaklega stendur á, er hreppsnefndinni heimilt, eftir tillögu rafveitunefndar, að veita undanþágu frá ákvæðum reglugerðar þessarar. Hreppsnefnd sker úr ágreiningi, er rísa kann út af einstökum ákvæðum reglugerðarinnar, en úrskurði hennar má vísa til stjórnarráðsins.

19. gr.

Ef ástæða þykir til, gétur hreppsnefndin, eftir tillögum rafveitunefndar, sett hámarksverð á efni til húslagna og vinnu rafvirkja. —

20. gr.

Brjóti rafmagnsnotandi fyrirmæli reglugerðar þessarar, er stöðvarstjóra heimilt að rjúfa samband við hann, unz hann hefur leitað umsagnar rafveitunefndar.

21. gr.

Sé gjald fyrir raforku eigi greitt innan 14 daga frá gjald-dagi, má rjúfa samband við hlutaðeigandi notanda, þó ekki fyrr en

þrem dögum eftir að skrifleg tilkynning þess efnis er afhent honum, 85
eða afhent í húsnæði því, sem lögnin er í. 16. okt.

Gjöld fyrir raforku má taka lögtaki.

22. gr.

Brot gegn reglugerð þessari varða sektum allt að 1000 krónum nema þyngri refsins liggi við samkvæmt lögum. Ef brot veldur skemmdum á eignum rafveitunnar, skal hinn brotlegi auk þess bæta skaðann að fullu.

23. gr.

Með mál út af reglugerð þessari skal farið sem almenn lög-reglumál.

Reglugerð þessi, sem hreppsnefnd Búðahrepps hefir samið og samþykkt, staðfestist hérmeð, samkvæmt vatnalögum nr. 15, 20. júní 1923, til þess að öðlast gildi 1. nóvember 1929, og birtist til eftirbreytni öllum þeim, sem hlut eiga að máli.

Atrinnu- og samgöngumálaráðuneytið, 16. október 1929.

Tryggvi Þórhallsson.

Vígfús Einarsson.